

МЕСЯЦА ЯНВАРЯ В 11-Й ДЕНЬ

Преподобнаго отца нашего Феодосия,
общих житий начальника

ВЕЧЕР

Блажен муж: первый антифон. На Господи,
возвах: поем стихиры на 6, глас 5.

Подобен: Преподобне отче:

Преподобне отче Богоносе Феодосие, / вельми подвижался еси в привременней жизни, / в пениих, и пощениих, и бдениих / образ быв твоим учеником; / ныне же ликуеши со Бестелесными, / Христа непрестанно славословя, / от Бога Бога Слова и Избавителя, / подклоньшаго главу Предтечи и освятившаго естество водное. / Того моли, Тому помолися, преподобне, / даровати Церкви единомыслие, / мир и велию милость.

Преподобне отче Богоносе Феодосие, / обретиши, якоже желаеши, / чистую твою душу, / Духа благодать Всесвятаго в тя вселися, / яко Пречистый Свет, / Егоже действием светло украшен, / Христа непрестанно славословиши, / во двою существу Единого Сына, / крещаемого рукою Предтечевою и свидетельствованна гласом Отчим. / Того моли, Тому помолися, преподобне, / даровати вселенней единомыслие, / мир и велию милость.

Преподобне отче Богоносе Феодосие, / лепотно сподобился еси блаженных жизни, / чистотою и

постом сию обрёт, / жив бо, преставился еси к
Горней жизни, / всем радоваться рек / и со Без-
плотными Христа непрестанно славословя, / от
Девы несказанно плоть приёмшаго / и потопльша
наша грехи Крещением в струях Иорданских. /
Того моли, Тому помолися, святе, / даровати все-
ленней единомыслие, / мир и велию милость.

Слава, глас 2:

Преподобне отче, / яко град живаго Бога, /
возвеселиша священную твою душу речная стрем-
ления, / воды оставления прошедшаго Иордан / и
всем концем благочестия слово источившаго Хри-
ста Бога нашего, / Егоже моли, всеблаженне
Феодосие, / спастися душам нашим.

И ныне, глас тойже:

Преклонил еси главу Предтечи, / сокрушил еси
главы змиев, / пришед в струи, просветил еси
всяческая, / еже славити Тя, Спасе, / Просветителя
душ наших.

Прокимен дне, и чтения.

Премудрости Соломоновы чтение (главы 5 и 6):

Праведницы во веки живут, / и в Господе мзда
их, и попечение их у Вышняго. / Сего ради
приимут царствие благолепия / и венец доброты
от руки Господни, / зане десницею покрывает я и
мышцею защитит их. / Приимет всеоружие рвение
свое / и вооружит тварь в месть врагом. / Облечёт-
ся в броня правды / и возложит шлем суд—не-
лицемерен. / Приимет щит непобедимый—препо-
добие, / поострит же напрасный гнев во оружие, /
споборет же с ним мир на безумных. / Пойдут
праволучныя стрелы молниины / и, яко от благо-
кругла лука облаков, на намерение полетят. / И от
каменометныя ярости исполнь падут грады. /
Вознегодует на них вода морская, / реки же
потопят я нагло. / Спротив станет им дух силы / и,
яко вихор, развеет их, / и опустошит всю землю
беззаконие, / и злодейство превратит престолы
сильных. / Слышите убо, царие, и разумейте, /
навыкните, судий концев земли. / Внушите, держа-
щие множества и гордящиеся о народах язык, /

яко дана есть от Господа держава вам / и сила от
Вышняго.

Премудрости Соломоновы чтение (глава 3):

Праведных души в руке Божией, / и не прикос-
нется их мука. / Непщевани быша во очесех
безумных умрети, / и вменися озлобление исход
их. / И еже от нас шествие — сокрушение; / они же
суть в мире. / Ибо пред лицом человеческим аще и
муку примут, / упование их безсмертия исполне-
но. / И в мале наказани бывше, / великими благо-
детельствовани будут, / яко Бог искуси я / и обрете
их достойны Себе. / Яко злато в горниле, искуси
их / и, яко всеплодие жертвенное, прият я. / И во
время посещения их возсияют / и, яко искры, по
стеблию потекут. / Судят языком и обладают
людьми, / и воцарится Господь в них во веки. /
Надеющиеся Нань разумют истину / и вернии в
любви пребудут Ему: / яко благодать и милость в
преподобных Его / и посещение во избранных Его.

Премудрости Соломоновы чтение (глава 4):

Праведник аще постигнет скончатися, в покое
будет. / Старость бо честна не многолетна, / ниже в
числе лет исчитается. / Седина же есть мудрость
человеком, / и возраст старости — житие несквер-
ное. / Благоугоден Богу быв, возлюблен бысть / и
живый посреде грешник преставлен бысть. / Вос-
хищен бысть, да не злоба изменит разума его / или
лесть прельстит душу его. / Рачение бо злобы
помрачает добрая, / и парение похоти пременяет
ум незлобив. / Скончався в мале, исполни лета
долга, / угодна бо бе Господеву душа его, / сего
ради потщася от среды лукавствия. / Люди же
видевше и не разумевше, / ниже положше в
помышлении таковое, / яко благодать и милость в
преподобных Его / и посещение во избранных Его.

На стиховне стихиры, глас 4.

Творение Иосифово.

Подобен: Дал еси знамение:

Видел еси, како обложихся твоим образом, /
егоже создах, / паче ума смирился, — Господь
рече, — / что убо странно, друже, / аще и подклоня-

юся деснице твоей, / якоже един от твоих клеврет, / и одеваюся, обнажен, водами? / Обнаженные бо хочу одетья, яко Благоутробен, / в нетление вечное.

Стих: Море виде и побеже, / Иордан возвратися вспять.

Явися воплощаемь, / но утроба Тя прият, / непальна пребывши, / пещь бо издалеча сию образует, / не опаливша отроков. / Аз же, сено сый, / на Огнь како положу длань, Владыко? / Егоже трепещут Небесная и земная вся, / Иисусе Всесильне, / Спасе душ наших.

Стих: Что ти есть, море, яко побегло еси? / И тебе, Иордане, яко возвратился еси вспять?

Ты Мя в водах Иорданских омьй, / скверны отнюд не имуща, — Господь рече, — / и осквернишеся естество человеческое / преступлением Адама, / омывшеся, ново будет. / Мне бо крещаему, / обновление всем человеком / водою и Духом бывает.

Слава, глас 8. Студитово:

Монахов множества, / наставника тя почитаем, / отче наш Феодосие: / твоею бо стезею войстинну право ходити познахом. / Блажен еси, Христу работав, / и вражию обличил еси силу, / Ангелов собеседниче, преподобных сопричастниче и праведных, / с нимиже молися Господеву / помиловатися душам нашим.

И ныне, глас тойже:

Ангельская воинства ужасошася о Видимем, / днесь во Иордане нагу стоящу Ти, Спасе, в водах / и пречистый верх Твой преклоншу / креститися от Иоанна. / Тебе бо, обнищавшу волею, мир обогатися: / Господи, слава Тебе.

Тропарь, глас 8:

Слез твоих теченьми пустыни бесплодное возделал еси, / и иже из глубины въздыханьми во сто трудов у плодоносил еси, / и был еси светильник вселенней, сияя чудесы, Феодосие отче наш, / моли Христа Бога спастися душам нашим.

Слава, и ныне, праздника, глас 1:

Во Иордане крещаящуся Тебе, Господи, / Трои-
ческое явися поклонение: / Родителей бо глас
свидетельствоваше Тебе, / возлюбленного Тя Сы-
на именуя, / и Дух в виде голубине / известоваше
словесе утверждение. / Явлейся Христе Боже / и
мир просвещей, слава Тебе.



НА УТРЕНИ

**На Бог Господь: тропарь праздника, дважды.
Слава, святого: И ныне, праздника. И обычные
кафизмы.**

По 1-й стихологии седален, глас 4.

Подобен: Удивися Иосиф:

**Иисус Навин во Иордане реце, преводя люди и
Божий кивот, / сеннопшет будущее благодетель-
ство: / образ бо нам воображения и начертание
неложно порождения, / таинственное прохожде-
ние обоими сеннопшет Духом. / Христос явися на
Иордане освятити воды.**

Слава, и ныне, тойже.

По 2-й стихологии седален, глас 5.

Подобен: Собезначальное Слово:

**Единочестное Слово Отцу и Духу, / воплощенно
за милосердие и крещаемо, Ангельстии лица
видевше, трепетаху, / и Иордан река, устыдивши-
ся и убоявшись, возвратися вспять, / нас возводя к
высоте спасения, страстьми истлевшия.**

Слава, и ныне, тойже.

По полиелеи седален, глас 3.

Подобен: Божественныя веры:

**К Божественней высоте твоя воздев руки, /
столп, преподобне, светоносен явился еси, молит-
венными зарями сияя: / к Небеси бо вперив мысль
и неизглаголаных быв причастник, / весь обли-
стал еси, Христа Бога моля / даровати нам велию
милость.**

Слава, и ныне, праздника.

Подобен: Дева днесь:

Владыка днесь на Иордан прииде, крещя в водах от Божественнаго Предтечи. / Свѣще же Отец свидѣтельствоваше: / Сей есть Сын Мой, о Немже благоволих, / и Дух явился странным видом голубиным над Ним.

Степенна, 1-й антифон, 4-го гласа. Прокимен, глас 4: Честна пред Господем / смерть преподобных Его. **Стих:** Что воздам Господеву о всех, яже воздаде ми? **Всякое дыханіе: Евангелие от Лукі, зачало 24.**

По 50-м псалмѣ стихира, глас 6:

Преподобне отче, / во всю землю изыде вещание исправлений твоих, / тем на Небесех обрел еси мзду трудов твоих, / демонския погубил еси полки / и Ангельския достигл еси чины, / ихже житию безпорочно поревновал еси. / Дерзновение имея ко Христу Богу, / мир испроси душам нашим.

Канон праздника второй (зри страницу 239) со ирмосом на 8, глас 2. И святаго канон на 6, глас 2. Феофаново.

Песнь 1

Ирмос: Во глубинѣ постла иногда / фараонитское всебоинство преоруженная сила, / воплощаеся же Слово всезлбный грех потребило есть, / препрославленный Господь славно бо прославися.

Яко мудр чиновачальник наш, отче Феодосие, / боголепно песнь предначни пришедшему во всемирное спасение Христу Богу / и всевятую память твою с Собою прославльшему.

Из пустыни Предтеча Христов, от Аароновы Елисавети прозябый, прииде; / в купели же Феодосий родився Духом, пустынногражданин бысть, / Иисусу последствуя.

Крещуся в струях Христу, израильтескаго соборища потребися шатание, / в Церкви же равноангельно житительство насадися, / еже неуклонно совершил еси, всеблаженне Феодосие.

Общник страсти быв, отче, пощением нас ради на Кресте пригвожденному, / достойно сообразен

был еси Того воскресения / и снаследник был еси славы, Феодосие.

Богородичен: Отроковиц Божественный лик / божественнейше в женах Тя добрую именуют, Богородице Владычице, / добротами украшенную Божества: / добротворительное бо Слово паче слова родила еси.

Катавасия: Глубины открыл есть дно:

Ин. Песнь 3

Ирмос: Процвела есть пустыня, яко крин, Господи, / языческая неплодящая, Церковь / пришествием Твоим, / в нейже утвердися мое сердце.

Водами покрывая превыспренняя, Господь / телесно одеяшеся в струи Иорданския, / в Немже утвердися сердце мое.

Свет во Иордане Божественный возсиявый, / прозябение сущим на земли Богоданное, / благословения и произволения благаго проявляет тя, Феодосие.

Оставил еси мир и яже в мире, преподобне, / бывшему обнажению Владычню подобяся на Иордане, Феодосие.

Крест Спасов на рамена взем, потекл еси на Гроб Его, / якоже елень на источники водныя спасительныя, всеблаженне Феодосие.

Богородичен: Чины ужасошася Ангельстии, Всечыстая, / и человеческая устрашишася сердца о рождестве Твоём. / Тем Тя, Богородице, верою почитаем.

Катавасия: Крепость дай:

Кондак и икос праздника (зри страницу 242).

Седален святого, глас 8.

Подобен: Премудрости:

Воздержанием, и болезнями, и молитвами душу твою украсив боголепно, / был еси сопричастник мучеником, блаженне, / и чудес воистинну дары приял еси, еже исцеляти недуги верою чтущих тя. / Темже и демонов отгоняя множества, / подавши исцеления человеком благодатию, Богоносе Феодосие, / моли Христа Бога грехов оставление подати / празднующим верою память твою.

Слава, и ныне, праздника, глас тойже:

Иордан струями служит, и **Иоанн** простирает руку тленную, / явльшуся Тебѣ, Невидиме, плотию ко Крещению. / Но ов убо возвращашеся вспять страхом, / ов же абие держаше с трепетом Тя, Нетленного. / Войстинну Агнец Божий, Источник присноживотный, / источники же, и моря, и человеки освятив: / Троица бо просия, / свѣше Сына Тя именует Родитель, и Святыи Дух снизходит.

Ин. Песнь 4

Ирмос: Пришел еси от Девы, не ходатай, ни Ангел, / но Сам, Господи, воплощся, / и спас еси всего мя, человека. / Тем зову Ти: / слава силе Твоей, Господи.

В водах главы змиев сокрушил еси / и Духом, Слове Божий, обновил еси всего мя, человека. / Тем вопию Ти: / слава силе Твоей, Господи.

Преклоньшему главу Предтечи, уподобився Христу покорением / и изрядным смирением, отче Феодосие, / на добродетели возшел еси столп непоколебимый.

Деве и Матери послужив Христа Бога, / непобориму благодать приял еси Духа, отче Феодосие, / и враги невидимыя низложил еси.

Волхвов ты славный вертеп приемый, / дароносца показана ради крещемуся Христу, веру, Феодосие, / и с надеждою любовь приносяща.

Страстми Владыки Христа укрепляемь, / совестью любезною претерпел еси мучение, отче Феодосие, / с темным борясь миродержцем.

Богородичен: Зачала еси во утробе Твоей бесчестно Господа / и Сего родила еси, воплощенна, спасающаго мир молитвами Твоими. / Темже Ти зовем: / радуйся, Приснодево Владычице.

Катавасия: Услышах, Господи, глас Твой:

Ин. Песнь 5

Ирмос: Ходатай Богу и человеком был еси, Христѣ Боже: / Тобою бо, Владыко, к Светоначальнику, Отцу Твоему, / от ноци неведения / приведение ймамы.

Возжэг ум, Ёже нас в водах Обновившаго, мудре утвердил еси, / низверженный пощением, повешеньми тело, всеблаженне Феодосие.

Житие присно смерти положив поучение, / отыти же тщався к Явльшемуся нас ради плотию, / себе сотворил еси гроб, Феодосие.

Смерть Христову вольную твой ученик славный Василий, отче Феодосие, подражая, / новый обновляет гроб, радуясь.

Богородичен: Се во утробе, Богородице Всечистая, Христа Бога паче слова имела еси, / якоже Исаия прорече, / паче естества же Сего, Богородительнице, родила еси.

Катавасия: Исус, живота Начальник:

Ин. Песнь 6

Ирмос: В бездне греховней валяясь, / неизследную милосердия Твоего призываю бездну: / от тли, Боже, мя возведи.

Нетление нам даровал еси, Христе, в воскресении Твоем, темже Василий, славный угодник Твой, и умер, якоже жив, является.

Очищаяй мир крещается, мене ради Бог человек по мне быв, / Егоже во двух естествах, Феодосие блаженне, проповедал еси.

Сладость веселия Христу Богу, мирносице слезы обращшему в радость, Феодосие, / токи слез твоих искапаша.

Богородичен: Милосердия Твоего сподоби мя, яже Милостивейшаго Слова Рождшая, / Своею кровию от тли человеки Избавльшаго.

Катавасия: Глас Словесе:

Кондак, глас 8.

Подобен: Взбранной:

Насажден во дворех Господа твоего, / преподобными твоими добродетельми красно процвел еси / и умножил еси чада твоя в пустыни, / слез твоих тучами напаяемая, / стадоначальниче Божий Божественных дворов. / Темже зовем: радуйся, отче Феодосие.

Икос:

Человек убо естеством был еси, отче, / но явился еси согражданин Ангелов: / яко бо безплотен, на

земли пожив, мудре, / плотское все промышленіе
отвергл еси. / Темже и от нас слышиши: / радуйся,
отца благочестиваго отрасли; / радуйся, матери
благоговейныя ветвь. / Радуйся, пустынный граж-
данине всекрасный; / радуйся, вселенныя светиль-
нице многосветлый. / Радуйся, яко от юности
последовал еси Христу; / радуйся, яко увядил еси
плотския сласти. / Радуйся, монашествующих хо-
датай спасения; / радуйся, унывающих образ уте-
шения. / Радуйся, многия от лести избавивый; /
радуйся, токи чудес даруя. / Радуйся, о нищих
попечение сотворивый; / радуйся, наш предста-
телю и избавителю. / Радуйся, отче Феодосие.

Ин. Песнь 7

Ирмос: Богопротивное веление / беззаконну-
ющаго мучителя высок пламень вознесло есть, /
Христос же простре Богочестивым отроком росу
духовную, / Сый благословен и препрославлен.

Струю, пополающую грех, / и пламень, орошающ
человеческий род, / Господи, во Твоем Крещении
совокупив, / Слове Божий, превозносимый Боже, /
благословен еси и препрославлен.

Пещь Сотворшему Иордан, / тебе самаго, яко
кадило, всесожегл еси, преподобне, / и пламень
Небесный, неложен образ Божественнаго манове-
ния прием, / храм водрузил еси, душ спаситель-
ный.

Твоими воеводствами Моисеева повинуются
благодати явльшейся, преподобне: / враги бо невиди-
мые низложив, / град Небесный наследуют твой
людие, всехваальне.

Струями погребшему грех тебе самаго обитали-
ще сотворил еси, Феодосие, Богоугодное, / храм
создав, приносить непрестанную песнь / законо-
положил еси многоязычными гласы.

Отроков подражая дерзновение, мучителя огне-
дохновенное прещение укорил еси, / мудре пред-
стательствуя по Церкви Христове, отче Феодо-
сие, / еяже ради вольно явися плотию распина-
емый.

Богородичен: Всечистое зачатие, нетленное
рождество / Ты Единая показала еси, Дева пребыв-

ши:/ Бóга бо зачала еси́, над все́ми Сúщаго, Чíстая,/ Челове́ка бѣвша вѣрных на спасѣние и избавлѣние.

Катавасія: Юноши благочестѣвыя:

Ин. Песнь 8

Ирмос: Пещь иногда́ о́гненная в Вавилóне дѣйства разделяше,/ Бóжиим велѣнием халдѣи опаляющая,/ вѣрныя же ороша́ющая, пою́щия:/ благословите, вся дела́ Господня, Гóспода.

Пещь иногда́ в Вавилóне струй́ Иорданскія изобрази́,/ Божѣственным Крещѣнием протѣвныя опаляющи, вѣрныя же ороша́ющи, пою́щия:/ благословите, вся дела́ Господня, Гóспода.

Телѣсных страстѣй предызшѣд прѣжде отшѣствия, Феодóсие,/ от недр земнѣх вод изымая, юноши являешися, зову́щу:/ благословите, вся дела́ Господня, Гóспода.

Бысть твоих рук благословѣние,/ во струях креща́ющагося Христа́ Божѣственнейшее повелѣние,/ невла́жней земли́ рóднейшая вода́ и грѣющее со́лнце:/ зерно́ бо во многоплóден клас пшени́цы безсѣменно пита́шеся.

Во мрак мѣсленный Свѣта Божѣственнейшаго ты вшед, Феодóсие,/ и скрижа́ли пѣрстом Бóжиим написав сѣрдцу твоemú,/ благочѣстия учѣния прине́сл еси́ ученико́м твоимъ,/ кни́гу жи́зни, всеблаже́нне.

Вѣру твѣрду кровото́чѣвыя, óтче, подража́вши женá, рúбищу косну́вшись,/ я́коже тьма, сущим в тебѣ просвѣщѣнием недúг отгна́ся,/ был бо еси́ избрания́ сосúд явльшемуся Христу́.

Трóичен: Тя, из Бóга Бóга видевше, телѣсне явльшагося Христа́ неизгла́голанно,/ позна́хом úбо Невидимаго Отца́ Твоего́ и Дúха Твоего́ Свята́го, зову́ще:/ благословите, вся дела́ Господня, Гóспода.

Богорóдичен: Ты Отцу́ неразлúчнаго, во утрóбе богомúжно житѣльствова́вшаго,/ безсѣменно зачала́ еси́ и несказáнно родила́ еси́./ Тем Тя спасѣние всех нас вѣмы.

Катавасія: Тáйну преслáвную:

Ин. Песнь 9

Ирмос: *Безначальна Родителя Сын, Бог и Господь, / воплощся от Девы, нам явися, / омраченная просветити, обрати расточенная. / Тем Всепетую Богородицу величаем.*

Соборы проповедал еси, Богомудре Феодосие, / честных равночисленны Евангелий Христовых, / произволением кровь мученическую прием ревностию, / и мученик без крове благочестия явился еси.

Суд неправеднаго праведно осуди, за твоё изгнание прогнавш / и хульными устнами нечестивую душу изъёмш, / жизни же лишивш жизни врага, преподобне.

Твоя поминающе учения, Феодосие, во двою существу Христа проповедаем, / две воли ведуще, естественны, и действены, и самовластны, / в Бозе, крещемся плотию.

Тезоименно даяние благо от Отца Светов, / душ и телес врач был еси, / снедь обильна и питие, иже во гладе тающих и жажды, / и нагих одеяние, и падающих исправление.

Не престай стадо твоё назирая, отче преподобне, и, твоё поминая обещание, / еже яко надежди котвы непреломны привязахом каменю, / ко Христу ходатая ты имуще, Феодосие.

Единицу Тричисленную, Троицу Единосущную православно поюще, вернии, прославим, / несекомо Пребожественное Естество Трисиянное, / не вечернюю Зарю, едину нетленную, Свет нам возсиявшую.

Богородичен: Яко утро обрелася еси раннее в житейстей нощи, / девства зарями облистаяющи, / Восток Солнца мысленнаго правды нам явльшая, Богомати Всечистая.

Катавасия: *Недоумееет всяк язык:*

Светилен.

Подобен: *Посетил ны:*

Очистихомся светло, Христе мой, очищением Твоим / и ныне праздничною радостью, Феодосия честнаго памятию, обогатихомся, / темже монашествующих веселятся чини.

Слава, и ныне, праздника:

Явися Спас, Благодать и Истина, во струях Иорданских / и сущия во тьме и сени спящия просветил есть, / ибо прииде и явися Свет Неприступный.

На хвалитех стихиры, на 4, глас 5.

Подобен: Радуйся:

Дом высоких добродетелей / предустроив тебе самого, Феодосие, / в Божественном Богородицы сподобился еси храме обитати / и сей посещати, / Божию бо светлость зрети возлюбил еси, / истинныя же ныне сени благолепие / и неизреченную зриши красоту, / юже убо основа Вышний, преподобне, / и вселяет преусердно к Немю взирающия. / Того моли низпослати / душам нашим велию милость.

Болезными постническими тебе самого очистив, / подражатель был еси, всеблаженне, твоего Владыки, / ибо края ризы твоея прикоснувшейся / недуг исцелил еси, / голодом тающия в пустыни напитал еси, / от неистощимаго подай сокровища, / яко тезоименит Божия даения быв, / веру же православную проповедал еси, преподобне, / мучителя неистовство в ничтоже вменив, / Христа моля, / подающего миру велию милость.

Пламень к Богу / неуклонныя, и разжженные, и теплыя любви вжег, / с Небес восприял еси сияние, / благоволение Божественное тебе возвещающее, / храм святейший добродетели наказания создати / и душ попечение. / Егоже начен, благочестно совершил еси, / идеже и многострадальное лежит тело твое, / положенными чистыми, всеблаженне, преизящно почитаемо. / Христа моли низпослати / душам нашим велию милость.

Воистинну даже до скинии чудныя, / даже до дому Божия, Феодосие, / прошел еси радованием и веселием души, / идеже глас, отче, празднующих, / красного слышати хотяй и сладкаго пения, / и неизреченныя душесладости, / и утешения быв в причасти, блаженне, / ейже самыя желая, / плоть умертвил еси, / юже и получил еси, Божественною

правдою украшаемъ, / Христа моля / душам нашим
дати велию милость.

Слава, глас 2:

Добродетелей лествица, / образ показася на
земли тайно, / сего восхвалим, яко постников
удобрение, / постився бо истинно, якоже Великий
Антоний, / безмерное смирение показав, / и, упас
люди своя благочестно, / во ограду святую всели, /
идеже лик Ангельский пребывает. / Прилежно
вопием ти: / не забуди и ныне стада твоего,
всеблаженне Феодосие, / но молитвами твоими ко
Господу / спаси нас, молимся.

И ныне, глас тойже:

Днесь Христос на Иордан прииде креститься, /
днесь Иоанн касается верху Владычню: / Силы
Небесныя ужасошася, / преславное видяще таин-
ство, / море виде и побеже, / Иордан, виде, /
возвратися. / Мы же, просвещенны, вопием: / слава
явившемуся Богу, и на земли виденному, / и
просветившему мир.

**Славословие великое. По трисвятóm тропарь
святаго. Слава, и ныне, праздника. Ектений и
отпуст.**

НА ЛИТУРГИИ

Блаженны от канона праздника, песнь 6-я на 4 и святаго
песнь 6-я же на 4. **Прокимен, глас 7: Честна пред Господем /
смерть преподобных Его. Стих: Что воздам Господеву о
всех, яже воздаде ми? Апостол к Коринфяном, зачало 176.**
**Аллилуия, глас 6: Блажен муж, бояйся Господа, / в
заповедех Его восхощет зело. Стих: Сильно на земли будет
семя его. Евангелие от Матфея, зачало 43. Причастен:
В память вечную будет праведник:**

Подобает ведати о сем, како восходит неделя о мытаря и
фарисеи. Начинается убо неделя мытаря и фарисея **М**
января в 11 число, в попразднство Богоявления, на
память преподобнаго отца нашего Феодосия, низходит же
февраля по 15.

Ведомо же буди: Яко аще прилучится неделя, яже о **зри**
мытаря и фарисеи, января в 11, и преподобнаго Феодосия
поется служба, егда еклисиарх разсудит, во иный день.

В субботу вечера: На малой вечерни стихиры воскресны
и Богородицы, по обычаю. На велицей вечерни поем:
Блажен муж: кафизму всю. На Господи, возвах: стихиры
воскресны 3, и восточен 1, Анатолиев, и праздника 3, того

дне; и Триоди самогласны 2, повторяюще 1-ю. Слава, Триоди. И ныне, Богородичен 1-й гласа. Вход. Прокимен дне.

На литий: Стихиры праздника, того дне стиховныя вечерняя и утренняя. Слава, и ныне, Триоди, глас 3.

На стиховне: Стихиры воскресны, по алфавиту. Слава, праздника. И ныне, Триоди. На благословении хлебов тропарь: Богородице Дево: дважды, и праздника, единожды, и чтение. Аще же несть бдения, по Ныне отпускаеши: тропарь воскресен. Слава, и ныне, праздника.

На повечерии по Достойно: по Отче наш: кондак праздника. Слава, и ныне, Триоди.

На утрени: На Бог Господь: тропарь воскресен дважды. Слава, и ныне, праздника. По кафизмах седальны воскресны с Богородичны их и чтение во Евангелии толковом, Неделя по Крещении. По непорочнах тропарь: Ангельский собор: и ипакой гласа. И чтение Неделя о мытаря и фарисеи. Степенна и прокимен гласа. Евангелие воскресное. Воскресение Христово: Псалом 50. Слава, глас 8: Покаяния отверзи ми двери: И ныне, Богородичен: На спасения стези: Таже, Помилуй мя, Боже: и Множества содеянных мною лютых: и молитва обычная, Спаси, Боже, люди Твоя: Канон воскресен со ирмосом на 4, и праздника на 4, и Триоди на 6. Катавасия праздника. По 3-й песни кондак праздника, и икос, и седален. Слава, и ныне, Триоди. По 6-й песни кондак Триоди и икос. На 9-й песни поем Честнейшую: Светилен воскресен. Слава, праздника. И ныне, Триоди. На хвалитех стихиры воскресны 3, и праздника 3, и Триоди гласа третяго, с припевы: Воскресни, Господи Боже мой: Мытаря и фарисея, 2: Исповемся Тебе, Господи: Фарисея велехвальный глас: Слава: От дел похваленными: И ныне: Преблагословенна еси: и славословие великое. По трисвятом тропарь воскресен точно, ектений и отпуст. И обычная лития в притворе, в немже поем: Слава, и ныне: стихире Евангельскую и час 1-й.

На часех тропарь воскресен. Слава, праздника. И ныне, Богородичен часов. По Отче наш: кондак праздника и совершенный отпуст. Такожде и на прочих часех глаголем тропарь воскресен и праздника, кондаки же пренемаем.

На Литургии: Блаженны гласа, на 4, и праздника песнь рядовая, на 4, и Триоди песнь 6-я, на 4. По входе тропарь воскресен и праздника. Слава, кондак праздника. И ныне, Триоди. Прокимен Недели по Просвещении. Таже праздника. Апостол и Евангелие Недели по Просвещении. Таже о мытаря и фарисеи. Причастен: Хвалите Господа с Небес. Другий: праздника.

Преподобный Феодосий Великий родился около 424 года в селении Могариионском (Каппадокия, Малая Азия) в семье благочестивых родителей Проресия и Евлогии. С детства наставленный в вере и благочестии, он уже отроком стал чтецом в храме и отличался прекрасным голосом, искусством чтения и знанием Священного Писания. Отрок Феодосий часто молился Господу словами псалма: «Настави мя, Господи, на путь Твой, и пойду во истине Твоей» (Пс. 85, 11).

Промыслительно предузнав волю Божию, святой Феодосий в 451 году отправился в Иерусалим. Путь его лежал через Антиохию, где он сподобился благословения преподобного Симеона Столпника (†459, память 1 сентября). Прозорливый угодник Божий, никогда ранее не видевший святого Феодосия, приветствовал его, назвав по имени, и предсказал, что в будущем он станет великим подвижником. Достигнув Иерусалима, святой Феодосий стал учиться иноческим трудам у старца преподобного Лонгина-столпника (память 17 ноября). По прошествии нескольких лет старец благословил святому Феодосию поселиться при новосозданном храме на полпути из Иерусалима в Вифлеем. Вскоре многие узнали о добродетелях нового подвижника Божия и к нему стали стекаться люди в поисках духовных наставлений. Слава тяготила преподобного Феодосия, и он удалился в пещеру, где, по преданию, ночевали три волхва, шедшие с дарами в Вифлеем. Преподобный Феодосий пустынножительствовал более тридцати лет, проводя время в молитве и посте; он не вкушал хлеба, питался только финиками, кореньями и травами, растущими вокруг.

Подвиг его стал известен, и у преподобного появились ученики. Вначале их было семь. Угодник Божий, желая наставить своих учеников в любомудрии, повелел выкопать могилу, чтобы она напоминала о суетности земной жизни и о смерти как переходе в жизнь вечную.

Когда число учеников преподобного Феодосия умножилось, они стали просить преподобного об основании монастыря. Преподобный взял кадило с холодными углями и пошел по пустыне, молитвенно обращаясь ко Господу с просьбой указать место



новой обители. На угодном Господу месте кадило чудесным образом возгорелось. В скором времени здесь возникла знаменитая впоследствии Лавра преподобного Феодосия. В монастыре был принят общежительный устав. Душевное успокоение в нем находили не только иноки, но и миряне — странники, нищие, больные и убогие. Господь чудесным образом, по молитвам преподобного Феодосия, умножал припасы Лавры, так что их хватало и на братию, и на множество странников, которые находили пищу в Лавре во время голода.

В обители было устроено несколько странноприимных домов и больниц. Заботами преподобного Феодосия были созданы церкви для братии разных национальностей — греков, грузин и армян, в которых совершалось богослужение на их родном языке.

Всего в Лавре преподобного Феодосия было 700 учеников. Многие из них стали впоследствии основателями разных монастырей, прославились иноческими подвигами.


В царствование императора Анастасия (491—518) распространилась ересь Евтихия и Севера, или так называемая ересь акефалитов (одно-

го из крайних течений монофизитства), причем к еретикам примкнул и сам император. Пытаясь привлечь на свою сторону святого Феодосия, Анастасий послал в дар Лавре много золота, но преподобный Феодосий с учениками остались верны Православию, а императору направили послание, решительно осуждающее ересь. Анастасий в ответном послании отмежевался от еретиков, но смирился ненадолго. После того как, несмотря на старческий возраст, святой Феодосий предпринял путешествие в Иерусалим, где публично анафематствовал еретиков, император сослал преподобного в заточение. Но вскоре гонитель умер и святой Феодосий

вернулся в свою обитель, где дожил до глубокой старости.

Еще при жизни святой Феодосий сподобился от Господа дара многих чудотворений: по молитвам святого Феодосия получали исцеление женщины, у которых дети рождались мертвыми; к молитвенной помощи преподобного обращались люди, попавшие в бурю на море, терпевшие нападение диких зверей и насекомых. В возрасте 105 лет, призвав за три дня до смерти трех своих любимых учеников (ставших уже епископами), преподобный Феодосий отошел ко Господу (†529). Тело святого было с честью погребено в пещере близ Лавры.

В
ТОЙЖЕ
ДЕНЬ



Преподобнаго и Богоноснаго отца нашего Михайла Клопскаго, иже в Великом Новеграде

ВЕЧЕР

**Блажен муж: На Господи, возвах: поем стихирь
на 6, глас 2.**

Подобен: Кийми похвальными венцы:

Кийми похвальными венцы / увязем преподобнаго главу? / сосуда избраннаго, целомудрия столпа, / в немже Свята́я Троица жилище Себе сотвори, / Царствия Небеснаго наследника, / источника Божественных исцелений неисчерпаемаго, / пролитие дарований духовных, / реку́ многих чудес, / отрасли Российския земли, веселящу теченьми, / Богоноснаго Михайла, / заступника нашего и хранителя.

Кийми смиренными устнами воспоем преподобнаго? / ревнителя пророком, апостолом и мучеником, / Ангелом сожителя, / чистоту душевную и сердечную соблюдшаго от пелен, / без неяже никтоже узрит Бога, / веселие земли Российския, / о нас великаго ко Христу́ молебника, / предивнаго в чудесех, / и Христа́ ради всю жизнь свою́ мученически скончавшаго.

Приидите, Россійстии собори, / псаломски восплещем руками, / печальных утѣху, и отчаянных заступника, / Богоноснаго отца Михайла воспоим, / Божественнаго Христова смирения ревнителя, / похвалу Великаго Новграда, / и всея Россійския земли удобрение, / и христианом всем вездѣ промысленника, / и молитвами своими подающаго миру велию милость.

Ины стихиры, глас 4.

Подобен: Дал еси знамение:

Дал еси знамение / боящимся Тебѣ, Господи, / благочестия наказателя, / возстѣпльшаго на разумный столп, / преподобнаго Михайла, / правдою и мужеством украшена, / целомудрена воистинну и добродетельми превосходяща. / Тем мы Тебѣ, Христе, воспевающе, глаголем: / молитвами преподобнаго Михайла / спаси души наша.

Дал еси знамение / боящимся Тебѣ, Господи, / солнца светлейша просвещена душею / и Божественными блистаниями Россійскую землю просвещающа, / Михайла вседоблаго, и преподобнаго, / тьму нечестия отгоняща, / верным заступника, и помощника в бѣдах и печалех, / и яко отечестволюбца, и представителя, / и молитвенника о душах наших.

Благоухает рака / честных твоих мощей, / Богоносе Михайле: / Святѣя бо Троицы селение и благоухание был еси, / и словесы твоими Богодохновенными люди удивил еси, / и Россійскую землю облагоухал еси. И ныне молим тя: / помяни вся ны, верую память твою почитающия, / ко Господу дерзновение яко стяжав, Богоносе.

Слава, глас 4:

Подобает Великаго Новграда народом / Богоноснаго Михайла вездѣ имѣти, / яко некую утварь царскую и сокровище некрадомо, / всем подающа здравия обильно богатство, / всю Россійскую землю во единство совокѣпльша. / К немуже возопиѣм: / преподобне отче, / о мире и устроении всего мира молися / и о спасении душ наших.

И ныне, праздника.

Аще ли вне попразднства: Поём Богородичны во всей службе святаго.

Вход. Прокімен дне. Чтѣнія три, преподобническа (зри страницы 373—374)

На стиховне стихиры, глас 2.

Подобен: Егда от Древа:

Егда Божественное свѣще званіе прииде на тя, /
 Богоносне Михайле, / тогда сілою Божіею обрѣлся
 во обители Святыя Троицы, / всем верным на
 пользу был еси. / Божественное Христово смире-
 ние возлюбив, / Духа Святаго имѣя в сердце
 твоём, / и любовь сердечною подвизався, / и тело
 твоё удручив постом и бдением, / радуясь, препо-
 добне, вопіял еси: / слава, Человеколюбче, Твоему
 смотрению.

Стих: Блажен муж, бойся Господа, / в заповедех
 Его восхощет зело.

Егда отечества, преподобне, удалился еси, /
 тогда ярём Господень на ся возложил еси, / и,
 крест твой взем, последовал еси Христу, / и во
 юродство волею преложился еси Христа ради, / и
 жестокое житіе на земли показал еси, / и многи
 сим удивил еси. / Отонудуже дарования чудес от
 Христа приим, / радуясь, вопіял еси: / слава,
 Человеколюбче, Твоему смотрению.

Стих: Честна пред Господем / смерть преподоб-
 ных Его.

Егда умом возлетел еси от земных на Небесная, /
 тогда невозвратным путем управился еси в Цар-
 ство Небесное, / еже и получил еси. / И тамо со
 Ангелы водворяясь, / предстоиши Святей Троице
 во мнозе дерзновении / и, радуясь, вопіеши: /
 слава, Человеколюбче, Твоему смотрению.

Слава, глас 6. Самогласен:

Преподобне отче Богоносне Михайле, / во всю
 землю изыдоша вещания твоя / и в концы вселен-
 ния житія твоего исправления; / тем на Небесех
 обрел еси мзду трудов твоих, / демонския полки
 разрушив, / Ангельским чином присовокупился
 еси, / ихже житію яве поревновал еси. / Дерзнове-
 ние имѣя ко Господу, / мир испроси душам нашим.

И ныне, праздника.**Тропарь преподобнаго, глас 8:**

Иже на земли Христа ради волею в буйство
 предложився, / мира сего красоты отнюд возне-
 навидел еси / и, плотская играция увядив постом и
 жаждею и на земли леганием, / от зноя же и
 студени, от дождя и снега / и от прочих воздушных
 тягости никогда же уклонился еси, / душу же
 очисти еси добродетельми, яко злато в горниле, /
 отче преподобне Богоносне Михайле, / и ныне на
 Небесех предстоиши престолу Пресвятыя Трои-
 цы. / Но яко имея дерзновение многое, / моли
 Христа Бога спастися душам нашим.

Слава, и ныне, праздника.**НА УТРЕНИ**

**На Бог Господь: тропарь праздника, дважды.
 Слава, святого. И ныне, праздника.**

По 1-й стихологии седален, глас 4.

Подобен: Скоро предварь:

**Постом и воздержанием и на земли леганием
 увядил еси плотския страсти, / душу же просветил
 еси / и на Небесех от Христа велико воздаяние
 восприял еси. / Темже, благоугодив Богу, достоин
 сосуд чудес и по кончине явился еси, / всем
 исцеление подаеши, верою притекающим к мощем
 твоим, Михайле преподобне. / Моли Христа Бога
 грехов оставление даровати / чтущим любовью
 святую память твою.**

Слава, и ныне, Богородичен:

**Обновила еси, Чистая, Божественным Рожде-
 ством Твоим / истлевшее в страстях земнородных
 мертвенное существо / и воздвигла еси вся от
 смерти к животу нетления. Темже Ты по долгу
 блажим вси, Дево препрославленная, якоже про-
 рекла еси.**

По 2-й стихологии седален, глас 5.

Подобен: С обозначальное Слово:

**Твердаго адаманта, столпа, непоколебима вра-
 жжими прилоги, / Богоноснаго Михайла песньми
 почтим, / терпением бо воистинну посрамивша**

протівнаго врага, и без вѣсти сотворша, / и ныне молящася о спасеніи душ наших.

Слава, и ныне, Богородичен:

ужасно чудо зачатия / и несказанен образ рождества в Тебе познася, Приснодево Чистая, / ужасает мой ум и удивляет помышление, / слава Твоя, Богородице, во всех простресея / ко спасению душ наших.

По полиелѣи седален, глас 8.

Подобен: Премудрости:

Господень ярѣм на ся взем, / монашествующих явился еси столп и утверждение / и ко Святей Троице велий молебник: / Христовы бо возжелев Божественныя заповеди, / и делом совершил еси, преподобне. / Темже к ревности Ангельскаго жития воздвигл еси вся, / еже единомудренно славити Христа Бога, Богоносне Михайле. / Егже моли грехов оставление даровати / чтущим любовию святую память твою.

Слава, и ныне, Богородичен:

Пречистая Дево, Мати Христа Бога, / души моея страсти лютыя исцели, молюся, / и прощение даруй моих прегрешений, яже безумне содеяв, / душу мою оскверних и тело окалях, окаянный. / Увы мне! Что сотворю в час оный, / внигда Ангели душу мою разлучат от убогаго моего телесе? / Тогда Помощница ми буди и Предстательница: / Тебе бо имам надежду, раб Твой.

Степенна, 1-й антифон 4-го гласа. Прокимен: Праведник, яко финикс, процветет, / яко кедр, иже в Ливане, умножится. **Стих:** Насаждени в дому Господни, во дворех Бога нашего: **Всякое дыхание:** **Стих:** Хвалите Бога во святых Его: **Евангелие от Лукы, зачало 24. По 50-м псалме стихира самогласна, глас 6:** Преподобне отче Богоносне Михайле: **Писана на вечерни, на стиховне Славник (зри страницу 390).**

Канон преподобному Михаилу, глас 2

Песнь 1

Ирмос: Грядите, людие, / поим песнь Христу Богу, / раздельшему море и наставльшему люди,

*яже изведе из рабѣты египетския, яко просла-
вися.*

От юности, преподѣбне, сосѹд избранный был еси Пресвятѣя Троицы, / чистотѣ ради житиѣ твоего благородіе оставив, / монашеский чин воспріѣл еси, / и, крест твой взем, Христу последовал еси, / и Того ради во юродство преложился еси, / и венцем от Него венчался еси, Богоносе отче.

Вся умудряющему Богу молися, преподѣбне, о рабѣ твоѣм, / да отвѣрзет мой устна недостѣйная и да подвигнет мой языкъ косный, / тесноту же и худогласіе, отче, / да развѣрзет дѣйством Святаго Духа к пѣнію чудес твоихъ.

Богоглаголивый пророкомъ точен и Боговидцемъ апостоломъ нравомъ уподѣбился, / иже до третіаго Небесѣ възшедшаго услышавъ, глаголюща: / мы юроди Христа ради. / И ты, преподѣбне, сѣя услышавъ, юрод на земли был еси Христа ради, / безчестіе и укоризны претерпѣв, / чести в Царствіи Небеснемъ сподѣбился еси.

Богородичен: Моихъ прегрешеній, Владычице, пленицу расторгни, / Твоего Сына и Бога молящи, / и томѣющий мя грехъ, Приснодѣво, низложи, / яко да воспѣваю Тя всегда, Всенепорочная, Тобою спасаемъ.

Канѣнъ другій преподѣбнаго Михайла, егоже краегранесіе у червленыхъ словесъ. Гласъ 8.

Песнь 1

Ирмосъ: Колесницегонителя фараѣня погрузи / чудотвориѣ иногда Моисѣйский жезлъ, крестообразно поразивъ / и разделивъ море, / Израіля же беглеца пешеходца спасе, / песнь Богу воспевающа.

В Царство Небесное узкимъ и прискѣрбнымъ путемъ / по заповѣди Владыки своего Христа, преподѣбне отче Михайле, шедъ, / ширѣкий и пространный путь возненавидѣл еси. / Распростѣршийся мракъ ума моего отженіи, / да возмогу малое сѣе молѣние принести в пресвѣтлую пѣмѣть твою.

Благочестиваго корене пресвѣтлая ѣтрасль, / всю мысль твою Богу возложилъ еси от младѣнства /

и, крест твой взем, невозвратным путём Тому последовал еси, / и, по апостолу, духовную мудрость стяжав, еже есть буйство Христа ради, / всячески отревая от себе тщеславие.

Христоролюбиваго царя в жизни сей Богомалец был еси: ныне предстоя Святэй Троице во мнозе дерзновении, молися, преподобне отче, / избавитися от нахождения иноплемённых великия России христоролюбивым людем, / песнь Богу возсылающим.

Иоанна, списавшаго Лествицу, нравом уподобился еси, / монашеский чин возлюбив, на безстрастия гору возшед, / и сего ради невозбранен восход к Небесі обрел еси / и, в Небесная врата достиг, в Горнем Иерусалиме вселился еси, / идеже веселящихся всех жилище, песнь Богу возсылающих.

Троицен: Речения Божественная и пророчества, яже издревле помняще яве, / Богоначальное Естество единственное славим, / Присносущное, Безначальное, в Трех Лицах, / Отце, и Сыне, и Дусе содетельное, всеильное.

Богородичен: Неискусобратно Христа родила еси, еже по нам, / нас ради восприемша естество, Пречистая, и непреложна во обою пребывша. / Егоже моли непрестанно грехов моих даровати и искушений избавление.

Песнь 3

Ирмос: На камени мя веры утвердив, / расширил еси уста моя на враги моя, / возвесели бо ся дух мой, внигда пети: / несть свят, якоже Бог наш, и несть праведен, паче Тебе, Господи.

Камению веры, Петру апостолу уподобився, / распялся еси миру во всей жизни твоей, преподобне Михайле, / и, ноги твоя невозвратно к Небесному шествию управив, / Горняго Иерусалима достигл еси. / Со святыми предстоя Святэй Троице, / моли о нас Единаго Человеколюбца.

Илиину ревность восприем, преподобне, / не возмогша бо ни прещения, ни моления согрешающих тебе увещати, / еже тех, непреподобне содеянных, не обличати, / не предстал еси

убо, сие творя, дондеже конечне оныя исправил еси.

Хранитель буди великия России Христолюбивых людей, / Богоносне отче Михайле, / избавляя врагов нашества, глады же и пагубы, / да твоими молитвами ко Христу Богу избавльшися, / тебе всяко заступника почитаем.

Богородичен: Во иных женах матери, дондеже дева, не познася, / ни матери по рождестве девствовати сподобися, / на Тебе же, Дево, обою устроишася. / Тем веселием духа воспеваю: / несть непорочны, паче Тебе, Владычице.

Ин

Ирмос: Утверждей в начале небеса разумом / и землю на водах основавый, / на камени мя, Христе, заповедей Твоих утверди, / яко несть свят, паче Тебе, Едине Человеколюбче.

Всея России велий чудотворец, преподобне, был еси / и пророческаго великаго дара сподобился еси, сказав безвестная и тайная. / Избави ны от тайных прегрешений и помышлений лукавых, / да чистым сердцем Христу возопием: / яко несть свят, паче Тебе, Человеколюбче.

Самодержца, рекл еси, благочестиваго великаго князя воли покоритесь, / пророчески вещав, блаженне: / о мужие Великаго Новграда! / Тако бо подобает, и тако угодися судьбам Божиим быти: / аще же не послушаете, зле погибнете, / еже и бысть от Бога нам в наказанье.

Повелением Владыки Христа, отче, последствуя, / кроток и смирен и всем всяк был еси подобник, вселенныя учителю, / и пред князи, не стыдяся, еже о благочестии / и еже судьбам Божиим гóде, предварив будущее, ясно сказал еси.

Благословением твоим тощия житницы исполнил еси жита, / и ктому прочее не истощишася; / и оляденевшия иногда людей нивы душевные очисти еси / и плодотворны сотворил еси, / и неплодный ум мой плодотворен сотвори.

Троицен: От Единого Отца, яко от ума рожденаго Слова, / и Духа, происходяща неизглаголанно, / по коемуждо помышлению и письменными

учёнии постигше, / Еди́наго Бóга Трисóлнечнаго почита́ем.

Богорóдичен: Хра́м яви́лася еси́ чист, Де́во Ма́ти Мари́е, / вся́ всеси́льно и мудрососта́вльшаго Христа́ и в чину́ поло́жшаго и нося́щаго. / Егóже ми́лостива мне сотвори́ ма́терними Тво́ими моли́твами.

Седáлен, глас 8.

Подóбен: Премúдрости:

От земных на Небесная помыслив / и делом совершив ко Христу́ любовь, / и, подобно молнии, от восто́ка до запа́да восходя́щей ско́ростию, / я́ко ины́й Авваку́м, о́тче, несенный А́нгелом с пи́щею в Вавило́н / прекорми́ти Дани́ила проро́ка, в ро́ве затворе́на, / дости́гл еси́, преподо́бне, оби́тели Святы́я Тро́ицы, / и промышля́л еси́ в жи́зни сей о полёзных мно́жественных, / и, а́лчущия ду́ши накорми́в мона́хов пи́щею неги́блющею, / в Ца́рствие Небесное руковóждствовал еси́, / иде́же пра́ведно пресвётлым венце́м венча́лся еси́, блаже́нне. / И ны́не, о́тче Миха́йле, / моли́ Христа́ Бóга согреше́ний оставле́ние дарова́ти / пра́зднующим любо́вию святу́ю па́мять твою́.

Сла́ва, и ны́не, пра́здника.

Песнь 4

Ирмо́с: Пою́ Тя, слúхом бо, Го́споди, услы́шах, и ужасóхся: / до мене́ бо и́дещи, мене́ ища́, заблúжда́щаго. / Тем мно́гое Твое́ снизхожде́ние, е́же на мя, / прославля́ю, Многomíлостиве.

Песнь воспёл еси́ Бо́гу безпреста́ни / и слух твой к Немú приклони́л еси́. / Я́ко име́я дерзнове́ние мно́го, / и моли́твами тво́ими, о́тче, сове́тующих на правосла́вие мы́сли и сове́ты разори́, / и во́инство на́ше воору́жи на ва́рвары побе́дою, / и междоусóбныя бра́ни умири́.

Я́ко со́лнце, от восто́ка возсия́в во оби́тели Святы́я Тро́ицы среди́ мно́жества мона́хов, / просвети́л еси́ су́щия во тьме́ неведе́ния / и юро́д был еси́ Христа́ ра́ди, хотя́ утайтися. / Не бо укры́ется, рече́, град, верху́ горы́ стоя́, / ни вжига́ют светильника́ и под спúдом полага́ют.

Яко пресвѣтлое свѣтѣло, возсіял еси, / и, яко фѣникс, в дому Святѣя Троицы пророчески процвѣл еси, Богоносне Михайле, / и, яко денница, пред Солнцем правды, Христом, просіял еси, / и живу жертву сам себе Владыце принесл еси, отче преблаженне.

Богородичен: Добрых всех обнажѣхся и лежу в злобе: / но, Родшая Облекшаго в нетленіе вся, древле во тлю падшия, / и менѣ ныне прежними украси и вторых избави, Богоневѣсто.

Ин

Ирмос: Ты моя крепость, Господи, / Ты моя и сила, / Ты мой Бог, Ты мое радование, / не оставль недра Отца / и нашу нищету посетив. / Тем с пророком Аввакумом зову Ти: / силе Твоей слава, Человеколюбче.

Макария Великаго, паче естества Ангельское житіе на земли прожившаго, / сего посту и бдению, и на земли леганию, / и прочим добродетелем, отче Михайле, поревновал еси / и, яко солнце, в Россійстей земли возсіял еси, / моли о нас Единого Человеколюбца.

Святѣйшаго архіепіскопа Евфѣмія поученіем и духовным наказаніем вельми внимая, / но скрываяся юродством Христа ради в жизни сей, блаженне, / разума духовнаго исполненный, Христу взывал еси: / силе Твоей слава, Человеколюбче.

Богоспасаемых христоролюбивых людей / и монахов множества радости исполнил еси и духовнаго веселія / твоим дивным и чрезуестественным, яко во едином часѣ прихожденіем / во обитель Святѣя Троицы, Богоносный Михайле, Христу взывая: / силе Твоей слава, Человеколюбче.

Градъ высочайшаго Великаго Новаграда народи молитвенника тя тепла имуще, / и скорого помощника, и яко стѣну тверду, и забрало необоримо, / и воеводу крепка и непобедима, молят: / не забуди молитвенник твоих, избавляя ны от всякия нужды и печали.

Тричѣн: Содержительная всех сущих, Невидимая, / Всещедрая, Благоутробная, Человеколюбивая,

вая, / Троице Честная и Богочестная, / не забуди мене, Твоего раба, Боже, вконец, / ниже разори, иже заветал еси Твоим рабом завет / за неизреченную милость.

Богородичен: Красную Тя, Всечистая, едину обрет от века доброту Иаковлю, Пребезначальное Слово / и вселися в Тя благоутробия ради, обновил человеческое естество. / Егоже моли непрестанно от всякия мне избавитися скорби.

Песнь 5

Ирмос: Ходатай Богу и человеком был еси, Христэ Боже: / Тобою бо, Владыко, к Светочестному, Отцу Твоему, / от ноши неведения / приведение и мамы.

Ходатай непрестанен, отче, буди о нас ко Пресвятей Троице с лики святых, / ихже ты жителству поревновал еси. / Молися, молим тя, о мире и о устроении всего мира, / да тихо и безмолвно житие проживем в вѣце сем / и в будущем жизнь вечную получим.

Преподобне отче Михайле, в постницах велик быв во обители, / идеже монашеское житие проходил еси, / единоци в седмице вкушая хлеба и воды с воздержанием, / и всю жизнь твою тако скончал еси.

Волею, преподобне, преложився во юродство Христа ради, / скорби и беды претерпел еси, / поругания, и укоризны, и досады, / мученицы бо в мале времени Христа ради пострадаша. / Ты же, отче, всю жизнь твою мученически скончав, / и того ради сугубу мзду на Небесех восприял еси.

Богородичен: Управи ум мой, Владычице, труждающийся в пучине скорбей / и потопляемый нашепствием тлетворных страстей. / Спаси, Богородице, к Тебе прибегающего: / инья бо помощи, Чистая, разве Тебе, не знаем.

Ин

Ирмос: Вскую мя отринул еси / от лица Твоего, Свете Незаходимый, / и покрыла мя есть чуждая тьма, окаяннаго? / Но обрати мя и к свету заповедей Твоих / пути моя направи, молюся.

Великаго Новáграда наро́ди, в пречестnúю пáмять Богоно́снаго отцá Михайла/ моли́твы со слезáми пролива́юще, глаго́лют:/ о пречестный́ о́тче,/ я́коже не дал еси́ в расхище́ние оби́тели,/ та́ко и оклевета́ющия нас смири́/ и пути́ нáша напра́ви, мо́лимся.

Иоáнна Крестите́ля узким и приско́рбным путе́м ходи́ти произво́лил еси́,/ жесто́кое на земли́ жити́е пожив, я́ко безплóтен,/ во юро́дство преложи́лся еси́ Христа́ ра́ди./ Егóже моли́, преподо́бне, во тьме грехá низлежа́щаго мя воздви́гнути.

Преподо́бно и свя́то на земли́ жити́е пожив,/ постóм и бде́нием, и на земли́ лега́нием,/ и прóчими добродетельми́ мона́шеское жити́е прошéd,/ óбраз был еси́ ярém Госпо́день на ся взéвшим и Христу́ последова́вшим,/ путь мой напра́ви, молю́ся.

Скóростию, Богоно́сный о́тче, явля́ясь, от бед избавля́я,/ подо́бяся светозáрному со́лнцу, на безме́рной высоте́ сия́юще/ и обходя́щу всю все-ле́нную во еди́ном дни,/ ты, преподо́бне, па́че челове́ка в жи́зни сей/ Бо́гу, сýщему в Вь́шних, тварь всю созда́вшему, послужи́л еси́.

Трóичен: Дремáнием отягче́на мя грехóвным и порева́ема в сон сме́ртный,/ я́ко Человеколю́б-вая, и Всеблагáя, и Всеми́лостивая,/ Богонача́ль-ная Трóице Свята́я,/ ущéдри и возста́ви мя.

Богорóдичен: Ма́ти Де́во Отрокови́це, Пречи́стая, Всенепоро́чная, Богоблагодáтная,/ Твоими́ моли́твами Сы́на и Бо́га и Го́спода ми́лостива сотвори́ мне/ и страсте́й и прегрешéний Твоего́ раба́ изба́ви вскóре.

Песнь 6

Ирмо́с: В бе́здне грехóвней валя́ясь,/ неизсле́д-ную милосе́рдия Твоего́ призыва́ю бе́здну:/ от тли, Бо́же, мя возведи́.

Ны́не честны́я мо́щи тво́я, лежа́ще во оби́тели Святы́я Трóицы,/ в нейже ещé в жи́зни сей мно́го потруди́лся еси́,/ врачевáния мно́гая источа́ют с ве́рою приходя́щим./ Те́мже мо́лим тя, о́тче:/ и душе́вныя страсти, и недúги исцели́ тебе́ сла́вля-щих.

Бездна, грехов исполнена, аз, / и твоя молитва, яко кадило благовонно, исправися пред Богом. / Ныне молю тя, преподобне отче: / бездну грехов моих истреби, / и буяющее море злаго пьянства изсуши, / и напоение гневное отжени, / целомудренный ум, Богоносный Михайле.

Даждь ми, Христэ, разум терпения, / еже не осуждати согрешающих кичением фарисейским, / но, яко мытарёво, моё покаяние прими / и, яко блуднаго сына, Боже, вечера Твоея достойна мя яви / молитвами преподобнаго Михайла.

Богородичен: **О**бветшавшия ны горьким древа прежде вкушением / и падшия поползением, Пречистая, обновила еси, / Зиждителя рождши, Слово Ипостасное, / Дево Мати Владычице.

Ин

Ирмос: **Б**ездна грехов и прегрешений буря мя смущает / и во глубину нуждаго реет мя отчаяния, / но Твою крепкую руку мне простри, яко Петрови, / о Управителю, и спаси.

Василия Великаго поучение в сердца твоём восприял еси, / бурею греха не погрузився / и в тихое пристанище достиг Царствия Небеснаго, / корабль душевный с некрадомым богатством соблюл еси, отче, / и нас от смертных глубины возведи.

Благодарное сие пение, приносимое тебе, не презри, отче, / но паче прими и радости духовныя исполни нас, / да без закоснения поклонимся честным мощем твоим, / исцеление всем дарующим.

Принесёся молитва твоя и слезы к Богу, / яко благоуханный фимиам и жертва непорочна и благоприятна, / и мене не забуди ходатайством твоим ко Пресвятей Троице, / и даждь милость ненавидящим мя и враждующим ми, / и от смертных глубины избави ны.

Всепреподобному житию поревновал Богоносных отцев, / от века богоугодно поживших, отче Михайле, / и во юродстве Христа ради всю жизнь твою мученически скончавый, / буйство нелепое от мене отжени.

Тро́ицен: Вседержителю Бóже и Еди́не Неопределённый, / вселіся в мя за неизречённую мѣлость, Трисóлнечный Влады́ко, / и озари́ мя, и вразуми́, я́ко Благоутро́бен.

Богорóдичен: Храм явила́ся еси́ Бóга Невмести́маго, Пречи́стая, / храм и менé Того́ покажи́ Божественныя благодáти, / Пресвятáя Влады́чице, Твоими́ мольба́ми и соблюди́ невреди́ма.

Конда́к, глас 8.

Подóбен: Взбра́нной:

Ду́ха Свята́го си́лою уподо́бился еси́ Богоглаго́ливыйм дрéвним проро́ком, / сказа́в безвѣстная и та́йная и е́же го́де судьба́м Бóжиим в сбы́тие, / и и́на мно́га чудеса́ о Христе́ сотвори́в, / и лю́ди удиви́в, торже́ствовáти устро́ил еси́ вопи́ющия: / сла́ва Бóгу, прославля́ющему святы́я Сво́я.

И́кос:

Уподо́бился еси́ проро́ку Авваку́му, óтче, / восхи́щен си́лою Бóжиею, я́ко на о́блаце, от далéче страны́, / и обрёлся еси́ во обители́ Святы́я Тро́ицы. / Он бо от Иерусали́ма Ангелом несён бысть с пи́щею в Вавилóн / и та́мо прекорми́ Дани́ла проро́ка и вселённую удиви́, / ты же лю́ди тво́я возвесели́л еси́ чудес дéйством, / и мно́жество мона́хов твоёму́ жити́ю удиви́шася, / и послéдствующих тебé прекорми́л еси́ я́дию неги́блющею, но пребы́вающею в жи́зни вѣчней, / вопи́ющия Бóгу: / сла́ва Прославля́ющему святы́я Сво́я.

Песнь 7

Ирмо́с: Богопроти́вное велéние / беззакóннующаго мучи́теля вы́сок пла́мень вознесло́ есть, / Христо́с же простре́ Богочестивым отро́ком рóсу духо́вную, / Сый благословён и препросла́влен.

Богопроти́внии лю́дие еретическая́ му́дрствующи, / злóбою содержи́ми, распыхáхуся сердцы́ свои́ми, / ви́дяще нас, почита́ющих честны́я мо́щи тво́я / и благодарственнó Христу́ взывáющих: / Сый благословён и препросла́влен.

Свет трисия́нен Пребожественны́я Тро́ицы / в сердцы́ твоём жили́ще Себé содела́. / Оттúду напóлнися Ду́ха Свята́го, Богоно́сне óтче, / еретиче-

ское ополчение омрачил еси, / просветил же еси собор православных, верою Христу Богу поющих: / Сый благословен и препрославлен.

Сокруши, преподобне Михайле, мшцы врагов мысленных, встающих на мя, / и луки их сломй, и стрелы притупй молитвами твоими, / яко дерзновение велие имея к Богу, / да возмогу пети: / Сый благословен и препрославлен.

Богородичен: Пещь прообразоваше Твое Рождество, Всенепорочная, / отроков бо не опали, / якоже бо ни ложесн Твоих Огнь Божественный. / Темже молим Тя: / Огня вечнаго избави нас, Дево Богомати Владычице.

Ин

Ирмос: На поле Деире иногда мучитель пещь постави на мучение Богоносных, / в нейже три отроки песнословяху Единого Бога, / троично воспеваху, глаголюще: / отцев Боже, благословен еси.

Михайла, великаго Архистратига, первостоятеля престола Пресвятыя Троицы, / тезоименство стяжав, / всем Небесным невестественным силам общаешься, преподобне отче, / с ними Христу зывая: / отцев Боже, благословен еси.

Клопот * демонский креста знаменiem неявиствен сотворил еси, / и клокощущееся море житейское волнами сует скорее еленския борзости ** прескочил еси, / и в прудных местех греха не потопился еси, Богоносный отче, поя Христу: / отцев Боже, благословен еси.

Христолюбивому князю, пришедшу во обитель Святыя Троицы / и мысль свою исповедавшу ти, / еже воздвигнути храм Святыя Троицы во обители твоей, / емуже, отче, ясно сказал еси: / аще сотвориши сие, всякое желание благое получиши, еже и бысть. / Темже Христу зывал еси: / отцев Боже, благословен еси.

Скор помощник был еси, преподобне, / еще в жизни сей во обители Святыя Троицы: / далече бо в мори купцу с кораблем потопляему и тебе

* клопот — шум, грохот

** еленския борзости — оленьей скорости

призв́авшу на помóщь, / и, я́ко мóлния, скóростию по вода́м ходя́, / сегó изб́авил еси́ от пото́плéния.

Тро́ичен: Ум нерождéнный Отéц, / и от Него́ Слово рóждшееся, / и Дух Божéственный, непóстижне исхóден сый, / Бóже Единоначáльне Трисóлнечне, пою́ Тебé: / благословéн еси́, Бóже отéц нáших.

Богорóдичен: Умерщвлéн бых, Пречы́стая, грехóвным я́дом напоéн, / и притекаю́ к Тебé véрою, рóждшей Начáльника животá: / Тво́ими моли́твами раба́ Твоего́ оживи́ / и искушéний и страстéй изб́ави, Еди́на Чы́стая.

Песнь 8

Ирмо́с: Пещь иногда́ óгненная в Вавилóне дéйства разделя́ше, / Бóжиим велéнием халдéи опаля́ющая, / véрныя же ороша́ющая, пою́щая: / благословите́, вся дела́ Госпóдня, Гóспода.

Приносима́го тебé молéния, преподóбне óтче Михай́ле, / от мнóжества твоему́ жити́ю последствую́щих не прéзри, / но, со усéрдием при́им, вся ны спаси́, Христу́ вопию́щая: / благословите́, вся дела́ Госпóдня, Гóспода.

Име́я Ду́ха Свята́го в сéрдцы твоéм, / я́ко еди́н Богоглаго́ливых дрéвних проро́к, / б́удущая явлéнно челове́ком сказа́л еси́, / и в настоя́щее сие́ вре́мя да́руй во́инству нáшему на ва́рвары побéду, Богонóсе óтче.

От земных к Небéсным обителем пресла́вно возше́л еси́, Богонóсе óтче Михай́ле, / и та́мо, преподóбных чéсти сподóбився, предсто́иши Святе́й Тро́ице / и зри́ши Неизречéнная, ихже óко не ви́де, и у́хо не слы́ша, / и на сéрдце челове́ку не възы́де, я́же угото́ва Бог любя́щим Его́.

Богорóдичен: Вели́кому та́инству рожде́ства Твоего́ кто не удиви́тся, Богорóдице, / или́ кий язýк земных, или́ ум Безплóтных изрещи́ возмо́жет? / Па́че бо естества́ и смы́сла, Богорóдице, Зижди́теля всех родила́ еси́.

Ин

Ирмо́с: Покрыва́яй вода́ми превы́спренняя Сво́я, / полага́яй мо́рю пределъ песо́к и содержа́й вся, / Тя поётъ со́лнце, Тя сла́вит луна́, / Тебé

принóсит песнь вся тварь, я́ко Содéтелю всех во вéки.

Волнующийся мой ум нелéпыми страстьми́ и помышлénии исцелí, преподóбне, / и колéблюще-еся сёрдце моё утвердí, / и смущáющия вéтры дúшу мою утиши, / да славлю́ Христа́, Содéтеля всех во вéки.

Рукóю содержáщаго всю тварь Бóга и челове́ка создáвшаго, честнéйша всея́ твáри, / заповеди, преподóбне, соверши́л еси́, / богоугóдно на землí жизнь твою́ живя́ / и во юрóдство Христа́ рáди волею преложився, / гóрдость и тщеслáвие от себе́ отрíнул еси́, / песнь воспева́я Содéтелю всех во вéки.

Пресвítера дíвнаго óнаго во úжас привёл еси́ / твоим дíвным и чрезъестéственным прехождéнием во обíтель Святы́я Трóицы. / О, чúдо! / Кáко обрёлся еси́ внутрь хра́ма, со всяким утверждéнием заключéна, / Дúху Свято́му сия́ действующу?

Или́ огненóсному, изрýдному прорóку, огнедохновénному умú, начертáвшему Трóйческую́ силу, уподóбился еси́, преподóбне óтче Михаýле, / благочéстия рéвностию всячески, и пáки во юрóдство Христа́ рáди преложíся, / но добродéтель утайтися не возмо́же.

Трóичен: Господоначáлие Безначáльное, / Всесíльну, и Преблáгу, / Совершенноначáльную, Благодéйственну, Неопредéльну, / Винú невинóвну, творíтельную, / Присносúщну, Промыслíтельную и Спасíтельную всех / Едíницу по Существу́ и Трóицу Лíцы, / славлю́ Тя, Бóже мой, вёрно во вéки.

Богорóдичен: На землí возсия́ Невечёрнее Сóлнце / Рождество́м, éже из Тебé, дéвственным, Пречíстая Влады́чице, / и челове́ки избáви от ýдольскаго помрачénнаго мрáка. / Тёмже и ны́не мя пáче того́ Богоначáлия озарí лучáми / и соблюди́ Твоего́ раба́.

Песнь 9

Ирмо́с: Безначáльна Родíтеля Сын, Бог и Госпóдь, / вопло́щся от Дéвы, нам явíся, / омрачénная просветíти, собрати́ расточénная. / Тем Всепéтую Богорóдицу велича́ем.

Пахомія Великаго чину Ангельскому и житию подражав, / равноангельно во обители Святыя Троицы пожил еси, / темже и равноангельну почесть от Бога сподобился еси прияти. / Мы же вси благочестно тя ублажаем, Богоносне отче Михайле.

Путем ходя, ведущим в Царство Небесное, / преподобно на земли житие пожил еси / и, в буйство Христа ради волею преложився, / мразом и знобем и на земли леганием, / алканием и жаждею тело твое удручил еси, / дух же возвеселил еси. / Темже ты вси благочестно ублажаем.

Молений и пений гласы услыши, Богоносне отче Михайле: / к вере же и любви вонми христоролюбивых людей / и, яко отечестволюбец, побори враги, отче, воюющия на ны, / свыше благодатию покрывая хвалящия тя.

Богородичен: Исцелила еси сокрушение, Всенепорочная, и древния страсти земных, / Бога породивши, Царя Христа, понесшаго плотию недуги наша, / темже Ты вси роди, Дево Владычице, ублажающе, Богоневесто, величаем.

Ин

Ирмос: Благословен Господь Бог Израилев, / воздвигнувший рог спасения нам в дому Давидове, отрока Своего, / в нихже посети нас Восток с высоты / и направил ны есть на путь мира.

Мысленное море страстей успив пощением / и чувственные воды разливания многа, / езера Ильменя сверепо волнуеты волны / и жестокодыхающия ветры словом укротил еси, / на путь мира направи ны.

Жилами словес твоих удавил еси змия, хвалящагося весь мир поглотити, / и теплыми слезами твоими к Богу огненное его дыхание погасил еси, / и без вести сотворил еси, / того зияния, преподобне, избави и на путь мира направи ны.

Яко Моисей Боговидец, чудодействуя, преподобне, / молитвою воду из земли извел еси, / яже, якоже река, обильно всю обитель напаяше, / и с плинфами * и каменем ладий плывущия на созда-

* с плинфами — с кирпичом

ние цѣркве Святыя Троицы в тихое пристанище привел еси, / и на путь мира направи ны.

Преподобне Богоносне отче Михайле, / якоже не дал еси мужем крове и лести в расхищение обители, / в нейже монашеское житие проходил еси, / тако оклеветаяущия нас смири, и греховную печаль отжени, / и сердца наша радости исполни, и на путь мира направи ны.

Троицен: Единое Господство и Трисиянное, единственное Богочалие Трисолнечное, / певцы приими Твоя боголепно, и прегрешений избави и искушений лютых, / и вскоре мир подаждь человеколбно и Церквей соединение, / и на путь мира направи ны.

Богородичен: Во утробу, Христе Спасе мой, девственную вселився, / явился еси миру всему богомужно, Неизменен, Неслиянен воистинну, / и обещал еси всегда с Твоими рабы быти яве. / Темже Тебе Родившия молитвами мир миру Твоему устрои / и на путь мира направи ны.

Светилен.

Подобен: Пророцы:

Пресветлый светильник неугасимый, / от востока мысленнаго Солнца, Христа, яко светозарная луча, возсияв, / мрачную страну на западе и севере просветил еси / светлостию словес и добродетели деянием, / Емуже не престаи моляся, / еже в мире сохранить, Михайле преподобне, память твою почитающия.

Слава, и ныне, праздника или Богородичен:

Премудрость Ипостасную, и Пресущное Слово, и Врача всех рождающая, / Всечистая Богородице, гноения и язвы исцели душ наших / и сохраняй невредны всякаго врагов находа всегда Тя молящая, / Заступнице мира Благая.

На хвалитех стихиры на 4, глас 8:

Подобен: О, преславнаго чудесе!

О, преславнаго чудесе! / В немощнем телеси, яко безплотен, / усердно тебе самаго Богу возложив, / преподобне Михайле, / всю жизнь твою мученически Христовы ради любви скончал еси, / плотския страсти препобедил еси / и велий чудотворец был

есї. / Того ради зовем Христу: / спаси, Боже, души наша, яко Благоутробен.

О, преславнаго чудесе! / Исполнено страха и радости духовныя / монахов множество / в прехождение Богоноснаго отца Михайла: / яко бо молния, восходящи от востока до запада, / обретесе во обители Пресвятыя Троицы, / во храме, со всяким утверждением заключеннем и неразрушимем. / Сему дивящесе, зовяху Христу: / спаси, Боже, души наша, яко Благоутробен.

О, преславнаго чудесе! / Вольным юродством твоим Христа ради / совершися духовная мудрость в тебе, отче Михайле. / Нищету Христову возлюбив, ярем Господень на ся взял еси, / постом и бдением тело твоё удручил еси / и на высоту добродетелей возшел еси, / высоту Христовы тайныя доброты зриши. / Того ради зовем Христу: / спаси, Боже, души наша, яко Благоутробен.

О, преславнаго чудесе! / Яко действием Святаго Духа / высокая и дивная пророческая вещания, / преподобному и Богоносному отцу Михайлу / безвестная и тайная открывшася / и еже годё судьбам Божиим, и многим бысть во спасение. / О, каково дарование нам даровася! / Егоже ради, Христе, / спаси, Боже, души наша, яко Благоутробен.

Слава, глас 5. Самогласен:

Божественным огнём разжизаемь / и светом просвещаемь Пресвятыя Троицы, мудре, / предочистил еси себе, Богоносе Михайле, / воздержанием и чистотою, / и вражия победил еси советы и коварства, / и, на ревность Божественную подвигнув с собою монахов множества, / преобидети привременная увещал еси. / Темже в славословении тебе ублажаем: / молися, преподобне, единому Сердцеведцу, Христу Богу, / да пощадит души наша.

И ныне, Богородичен, глас тойже:

Страшно, и преславно, и велие таинство: / Невместимый во чрево вмещается, / и Мати по рождестве Дева паки пребысть: / Бога бо роди, из Нея воплощенна. / Тому возопиём, Тому песнь рцем, / со Ангелы воспевающе: / Свят еси, Безна-

чальный Бóже, / Ёже нас рáди вочеловéчивыйся, слава Тебé.

Славослóвие великое, и отпу́ст.

НА ЛИТУРГИИ

Блаженны прáздника, и святаго песнь 6-я. Прокíмен: Честна́ пред Гóсподем: **Апóстол к Корíнфяном, зачáло 131.** Аллилу́ия, **Блажен муж, бойся Гóспода: Евангелие от Луки, зачáло 24. Причáстен: В пáмять вéчную:**

Моли́тва

О преподо́бне и преблаженне óтче наш Миха́йле, ты, возжелáв усéрдно шéствовати во след Гóспода нáшего Иисúса Христá, вся плотскáя мудровáния отрíнул еси́: ты отéчество своё, род и врéменное благорóдство и земнаго цáрствия насле́дие оста́вив, мона́шества и юрóдства путь ко спасéнию и к насле́дию Цáрствия Небéснаго предызбрáл еси́; прише́д же дíвне во обíтель Пресвятýя Трóицы, в ней трудолю́бно и богоугóдно подви́заяся, по премно́гу ко устроéнию ея споспешествова́л еси́ и, от всех бед, от гла́да, вражияго нахождéния, и óгненнаго запалéния, и всякаго зла óную сохраня́я и защища́я живу́щих в ней и к ней притека́ющих, путí Господню поучáл еси́; ты и ны́не, Пресвятéй Трóице со все́ми свята́ми предсто́я и непрестáнно насыща́яся зрéния Божества́ Трисвётлаго, помина́й, мо́лим тя, чту́щих святую́ пáмать твою́, не премолчи́, угóднице Христóв, ко Гóсподу моля́ся, да Он, благода́тию Своёю приосеня́я притека́ющих к тебé и мо́щи тво́я устáми и сёрдцем лобыза́ющих, здра́вы и невредíмы сохранит и от всякия напа́сти свободит, пода́я путешеству́ющим в путí благоспéшество, боля́щим здра́вие, печáльным утешéние, сýрым, вдови́цам и всем напа́ствуемым скóрое заступлéние и вспомо́жение и от вражиих наветов твёрдое ограждéние и защищéние. Не престáй же моля́ся и о Богохрани́мей странé нáшей, я́ко да, тво́им предстáтельством и моли́твами сохраня́еми, вси возмо́жем пóдвиг течéния небла́зненно соверши́ти, сла́вяще Святую́ Трóицу, Отца́ и Сы́на и Святаго́ Дúха, и твоé заступлéние, ны́не и прíсно и во вéки веко́в. Ами́нь.

Преподобный Михаил Клопский происходил из боярского рода. Он подвизался в Клопском монастыре, в 15-ти верстах от Новгорода.


Преподобный Михаил появился в обители неожиданно 23 июня 1408 года. Неизвестно, откуда он пришел в обитель и где подвизался ранее. Во время утрени, на девятой песни канона иеромонах, совершавший службу и обходивший с каждением храм и келлии рядом с храмом, увидел, что дверь его келлии открыта, а в ней сидит инок в рубище с зажженной свечой и переписывает книгу Деяний святых Апостолов. По окончании службы игумен с братией подошли к келлии, но она оказалась заперта; когда келлию открыли, неизвестный инок продолжал сидеть и писать. На вопросы игумена Феодосия он не отвечал и вел себя как юродивый.

Затем инок последовал за братией в храм на Божественную литургию. Во время богослужения он пел на клиросе, а когда игумен поручил ему прочитать Апостол, все были поражены красотой его вдохновенного чтения. Иноку назначили для жительства келлию, и он стал нести послушание теще в храме и на трапезе, не открывая по-прежнему своего имени.

Однажды, на праздник Преображения Господня, в обитель приехал князь Константин Дмитриевич Новгородский (младший сын благоверного князя Димитрия Донского) и, услышав чтение нового инока, узнал его и назвал своим родственником Михаилом, сыном Максимовым. Так в обители узнали имя пришельца.

Блаженный Михаил наложил на себя строгий пост, вкушая только хлеб с водой один раз в неделю. Он не имел никакого имущества и одежды, спал на земле, ходил в одной только рясе.

За свои иноческие подвиги преподобный Михаил сподобился от Господа прозорливости и дара чудотворений. Не страшась сильных мира сего, преподобный Михаил обличил князя Димитрия Шемяку за то, что он ослепил своего брата великого князя Василия Темного (1425—1462). Преподобному Михаилу принадлежит пророчество о присоединении Новгорода к Москве. В день рождения в Москве наследника великого князя Василия Иоанна III (1440—1505)



преподобный взобрался на колокольню в Новгороде и стал звонить во все колокола, объясняя, что в Москве большая радость, родился новый великий князь, «гроза соседям», будущий властелин Новгорода (Новгород был присоединен к Московскому государству в 1480 году).

Во время трехлетней губительной засухи в обители по молитве блаженного Михаила забил родник, избавивший от жажды и братию обители, и окрестных жителей. Впоследствии к этому месту устраивались крестные ходы в день памяти преподобного Михаила. Когда после засухи наступил голод, к монастырю стали стекаться голодающие, и по молитвам преподобного в обители постоянно умножались запасы хлеба, так что все голодающие получали пищу.

Преподобный Михаил прожил в Клопском монастыре сорок четыре года и отошел ко Господу 11 января около 1453—1456 гг. Святые его мощи долгое время почивали под спудом в соборном храме Клопского монастыря во Имя Живоначальной Троицы в правом приделе. Причисление его к лику святых совершилось в 1547 году,